

فہرست ابجد

— (۱) ہر شہر عربی ابتدا سیلہ اون بشتہ نشر اول نور (۲) —

جلد ۵ - جزو ۴۹ [فی قرۃ ذی الحجہ سنہ ۱۳۰۳] نسخہ سی ۳ غروش

مستند اولور . فکر خالصله ایراد اولنان اقوال ضعف و یا مبالغه بی حاوی اولسه بیله مادامکه نیت فاسد دگلدیر ؛ وقوعه کلان نقصان و زیاده دخی معفو طو تلق یعنی حسن نیت باغشلائیق لازم گیر .

شمدی بو بحثده آرانیه حق جهت موسیو ارندستک بومقاله بی نه نیتله ایراد ایتمش اولسنی تدقیقدر . یوقاریکی فقره نك صورت افاده سنده اولیه بر فکر فاسد حس اولغدیغی کی فاضل مشار الیه دخی هیچ بر ملتک اغراضنه تابع اولیان خادم انسانیت طاقتدندر . بوحالده مشار الیهك اغفال اولغش اولسنه حکم ایتمک لازم گیرکه بوده اخلاق فاضله اربابنك عموماً مبتلا اوله گلدیگی آفاندندر .

باخصوص شرقه سیاحت ایدن اکثر اوروپا علمای السبته شرقیه واقف اولدق لرندن بزه دائر هر نه تحقیق ایدر لر سه (سیسه رون) نامی ویردکاری قلاغوزلردن ایدر لر . میعشتی شوگا بوگا رهبر لکده آریان طاقک گرک علماً و گرک اخلاقاً نه مزیتلری متصور در که ویردکاری معلومات طوغری اوله بیلسین . بوباده کی نقصان همت ینه بزره عائددر . چونکه شکتکزک تدقیق احوالی مراق ایدینان اوروپا فضلاسینه مدار مراجعت اوله حق هیچ بر اثر میدانه قومدق . اورویالیر بزه دائر نه اوگره نیورلر سه مأخذلری یا دشمنلر مزک نشریات اغفالکارانه لری و یا خود اوکلرینه دوشن قلاغوزلرک اختراعاتیدر .

ابوالضیا

ژان ژاق روسونک نوبل الویژندن

اون اوچنجی مکتوب

(زولیدن - سن پروید)

سعادت و بختیاری ایچینده بولندغیزی تمهید ایدیشده یک حقی ایتم، بونی بکا ال جزئی بر تغیر احوال مزدن بشقه هیچ برشی دها اینی تفهیم

ایده من ایدی . اگر شداید مننه دوجار اولمش اولسه یدق ایکی گونلک
برغیوبت بزی بودرجه دوجار اکدار ایدرمی ایدی ؟ بز دیورم ؛ زیرا
عجز و مدد که محب و فاشعارم دخی عدم صبرمه اشتراک ایدر ؛ بواسطه
سببی حس ایتمکده اولدیغم صبر سزلغک کندوسنجه معلوم اولسه یله برابر
بو حال کنده سنک دخی بالذات حس ایتمیدر . محجک بتون بوشیلری بگا
تقییم ایتمسه آرتق احتیاجم یوقدر .

صیفیه آخجق دون آقشامدن برودر واصل اولدق و شهرده دیدار کرله
مشرف اولدیغم وقت و ساعت هنوز حلول ایلدیگی حالده تبدیل مکان ،
غیبتگری ده زایده تحملگداز برحاله ارجاع ایلشدر . اگر علم هندسه یی
بگا منع ایتماش اولسه یدیکز عدم صبرم بعدیت ازمنه و امکانه الله برنسبت
مرکه اوزره بولندیغی بسط و تمهید ایده جک ایدمکه تباعدک آلام افتراقی
نه درجهده تشید ایتدیگی ملاحظه ایدرسکز .

کرك مکتوبگری و کرك تحصیل علم حقنه ترتیب ایتمش اولدیغکر پلانی
مطالعه و تدقیق ایتمک اوزره بورایه کنوردم ؛ و اولکنی ده شمدیدن ایکی
دفعه اوقودم : صوگلرندن پک متأثر اولدم . محم بر عشق حقیقی حس
ایتمکده اولدیغگری مشاهده ایدیورم ، زیرا بو عشق افعال و حرکات نامو .
سکارانه یی رشف و تذوق قوتندن سزی تجرید ایتدیگی کبی قلبکڑک ائ
محسوس اولدیغی شیلرده بیله فضیلت اغورینه اجرای فداکاری ایتمکده
محافظه مهارت ایلشسکدور . فی الحقیقه نسوانی اغفال و اضلال خصوصنده
طریق معارفی استعمال اغفالانک ائ مردود و مذمومی و بر معشوقه صاحب
غرورک مرحمت ورقتی رومانلر و ساطیلله تحریکه چالشق کنده سنک پک
جزئی بر سرمایه صاحبی اولدیغنی اشاعه ایتمک دیمکدر .

اگر فلسفه یی ، درساریکز ایچنه آمال و افکارکزه مطابق بر صورتده
ادخال و منافعهکزه موافق قواعد و اصول تأسیسه ابتدار ایتمش اولسه یدیکز
بی اضلال ایده جک برده بالعکس ایفاظ ایتمش اولوردیکرکه ایشته اغفالانکڑک

الك مهلكي ده هچ بونلری استعمال ايتمامكدرد . برهوس عشق كوكلمی
 تحخير و بر محبت ابدیه به احتیاجی الهام ایدر ايتمز جناب خقدن بر ذات
 ظرافت سماتله دكل فقط بر روح لطيفه مالك بر ذات مسلائك صفاتله
 تحادیمی تضرع و نیاز ايلدم . چونكه خصيصه مذكوره انسانك مالك
 اوله ييله جكي حظوظاتدن الك آز نفرت واستكر اراه تابع اولانی اولدینی
 و ناموس واستقامت دخی رفاقت ايتدیگی بالجله حسیاتی ترین ایلدیگی پك
 اعلا مجزوم ایدی . سزی انخامدن طولانی ترجیحی می پك كوزل اجرا
 ائلس اولدینمندن حضرت سلیمان کبی طاب ایتدیگمله برابر طلب ایتدیگمه
 دخی نائل اولدم . بو آرزومك صورت حصولی سائر آرزولرم ایچون
 بر فال خیر عد ایدرك برگون لایق اولدینگز مرتبه سزی مسعود
 ایدم یله جگمندن قطع امید ایتتم محم . بوباده کی وسائط بطی ، مشکل ،
 و مشکوك اولوب تصادف ایدیلان موانعده دهشت انگیزدر . تحت تعهد
 گیرمكه بر درلو جرأتیاب اوله میورم ؛ فقط اعتماد ایدیکز که صبر و تحمل ايله
 محبتك مقتدر اولدینی شیلرك هچ بریسی فراموش ایدم یله جكدرد . مع مافیه
 ازهر جهت والدكم حسن نظر و تحسینتی استجلا بده دوام ایدمك
 اوتوز سنه خدمتدن صگره بالکلیه اختیار عزرائته قرار ویرمش اولان پدرمك
 عودتنده معاملاتنده درشت و فقط صاحب ناموس وعفت اولوب سزی
 لطیف ایتکمزین سوهك و سونلکمزین تقدیر و تحسین ایدمك اولان
 اسکی بر اصلزاده نك عظمت و تکبرینه تحملله حاضر لنگر ،

خانه مزك اتصائنده بولنان قوریلارده لاجل التزه راز طولاشیق اوزره
 مکتوبی بوراده بر اقدم . ای محب لطیفم سنی ده برلکده اورانه کتورر
 ودها طوغریسی بغرمده طاشیر ایدم . برلکده گره جگمز برلری انخاب
 ایدر و بری قبوله شایان محللره نشانه وضع ایدر ایدم . بو عزلتگاه لطا .
 قبحشالوده قبلریمز ده اولدن یکدیگره افشای راز ایدر ایدی . برلکده

بولمقدن طولای حس ایستدیکمز اذواقی بولارده تزییده خدمت ایدر وایی
عاشق صادقی قبول ایستدکلرندن ناشی بر قیمت جدید دهها احراز ایدر
ایدی، سزگله برلکده اولدیغ زمان مشاهده ایستدیکم محاسنی یالکز اوله رق
حس ایتمدیکمه متخیرم .

بو محل لطیفک تشکیل ایستدیگی طبیعی قوریلر میانسده لطافتجه جمله سنه
فائق بر قوری موجوددرکه الک زیاده بونک ایچنده محفوظ اولیورم وایشته
بوندن طولای محبم سزک ایچون برلطیفه غریبه استحضار ایدیورم . فقط
مقصدم بو قورینک سائرلری اوزرینه دائماً مرجع طوتلسی کیفیت ایلدینی
کبی بنده کرده هیج بر وقت اظهار ساحت اتمیه جگم . افکار باطله عادییه
رغماً بالا اختیار کوکلك اعطا ایلدیگی شیلرک، تصدیع و تعجیزک اعتصاب ایلدیگی
شیلره درجه رجحاتی محبم ایشه اوراده حس ایستیره جگم . مع مافیه عقل
فعالکز بوباده لزومندن زیاده تابع خیالات اولور خوفله اولجه اوراسنی
اخطار ایدیمکه مذکور قورییه یالکز اوله رق گیدلیوب قابل انفکاک اولیان
عمی زادهم دخی برلکده بولنه جقدر .

عمی زادهم گانجه اگر موجب حدتکز اولمزسه نری کورمک اوزره
بازار ایرتسی گونی تشریفکزه قرار ویرلمشدر ، والدم عربهنی عمی زادهمه
ارسال وسزده ساعت اونده اورایه عزیمت ایدوب مزبوره سزی بورایه
گنوره جک و یوم مذکوری بزمه امرار ایدره رک ایرتسی گون بعدالطعام
برلکده عودت ایدیه جکدر .

ایشته مکتوبک بوراسنده ایکن بونی سزه اعطا خصوصنده شهرده
موجود اولان سهولتک بوراده فقداننی تحظر ایتم . ابتدا کتابلریکزدن
برینه برکاغد قاب کچیریلوب مکتوبمی بونک آره سنه ادخال ایدرک باغچوانک
مخدومی (گوستن) ایله کوندرمکی ملاحظه ایتم . مکتوبی اوراده

ارامقلعکتر خصوصی بنجه امین اولماقله برابر عمرمزنک تقدیراتنی بویله تصادفاتنه ترک ایتمک دخی بر عفو اولماز عدم احتیاط عد اولنور . بناء علیه بازار ایرتسی گونکی ملاقاتی اوافق بر بوصله ایله طرفکزه اشعار ایله اکتفا ایدرک مکتوبی یوم مذکورده بالذات اعطا ایتمک اوزره حفظ ایده جگم . لکن طرفکزدن قور یلق اسراری اوزرینه بر چوق فرضیات و خیالات تشکیل اولغامسنی دخی اخطار ایدرم .

زول

تحف بریولده اوصاف ممالک

مونیتورده دات غزته سنک باش محوری بولنان موسیو اوتینگر اوروپاده بولنان مشهور شهرلری مخصوصاتندن کنایه اوله رق غزته سننده شو صورتله توصیف ایتمیشدر :

آمستردام تجارت ایدیور . آهن فساد ترتیب ایدیور . برلین موده یاییور . بروکسل مباحثه ایدیور . درسد هر شیده حیران قالیور . دو بلین دبلنچیکلک ایدیور . ادیمبورغ رؤیا گوریور . فلورانس صایقلیور . فرانقفورت صایدیور . جنوه گولیور . هامبورغ پییور . هانور او یویور . قاسل خورلیور . استانبول یقانیور . (یعنی بوغاز ایچندن طولانی) قوپهاغ سو . سلنیور . لایسلیق اوقویور . (لکن یالکڑ ایچنده نشر اولنان تاغبلات غزته سنی) لیزبون چالیشیور . مادرید توتون ایچیور . مایانس برقاردیناله مالک اولدیغی ایچون سویدیور . مانچستر یوک اگرییور . مانهایم کفر ایدیور . مارسیلیا شرقی سویدیور . مونخ بیرا ایچیور . نابولی ترلییور . پالمو یلیازه ایله سربیلیور . پارس عربده ایدیور . پشته گوده زهک ایلیور . استوقهولم اگلتیور . تورین دوزگون سوریور . ونڈیک سوییور . وارشاوا ایدیور . ویانه هضم ایلیور .